

ՀԱՅՐԵՆԱԿԱՆ ՄՇԱԿՈՒՅԹԻ ՊԱՇՏՊԱՆ ՀԱՅ ԿԱՆԱՅՔ

ՎԱՆԵՆԻ

Վանենին (հիշվում է նաև Նանա անունով) Սարգիս Զաքարյանի դուստրն է, Զաքարեի և Իվանեի քույրը։ Ամուսնացած էր Կյուրիկյան Աբաս թագավորի հետ։

Աբաս թագավորը 1192 թվականին, 19 տարեկան հասակում, մահացել է։ Վանենին իր վաղամեծիկ ամուսնու հիշատակը հավերժացնելու համար կառուցում է Սանահնի կամուրջը։ Իր շինարարական արձանագրությամբ Վանենին հայտնում է.

«...Ես՝ Վանենի ... կին Աբաս թագավորի, որ կիսարե վախճանեալ խաարեցոյց զմեզ, շինեցի զկամուրջս եւ կանգնեցի զխաչս յիշատակ նմա եւ մխիթար ինձ...»⁶⁰։

Վանենի թագուհին Սանահնի կամուրջը կառուցել է 1192 թվականից հետո։ Դեբեդ գետի երկու ափերը կապող միաթոխչք, 18 մետր բացվածքով կամուրջն այժմ էլ գործում է, իրար է կապում Սանահնին ու Ալավերդին։

Ամուսնու մահից հետո Վանենի թագուհին որդեգրում է Հովհաննավանքի վարդապետներից մեկին՝ Մարգարեին։ Մարգարեի միջնորդությամբ Վանենի թագուհին միջոցներ է տրամադրում Հովհաննավանքի պարիսպները կառուցելու համար։ Պարիսպների կառուցումը հսկում ու ղեկավարում է ինքը՝ Մարգարե վարդապետը։ Սա-

կայն Վանենի թագուհուն վիճակված չէր վայելելու նաև որդեգիր որդու քաղցրությունը. պարիսպների կառուցման պահին Մարգարեն մահանում է՝ խոր վիշտ պատճառելով թագուհի մորը։ Վանենի թագուհին Մարգարեի գերեզմանին գեղաքանդակ խաչքար է կանգնեցնում։ Թեև խաչքարը կոտրվել է, ոչնչացել, սակայն խաչքարի արձանագրությունը ժամանակին արտագրել է պատմիչ Զաքարիա սարկավազը և փրկել կորստից։ Ահա այն.

«...Ես Նանայս ... կանգնեցի ի վերայ նորակերտ վարդապետիս Մարգարեի (խաչ) և որ սկիզբն յաշակերտութեան իւրոյ որդիացաւ ինձ և առաւել եղև քան զծնունդ յորովայնի, և հոգայր զօգուտն հոգոյ իմոյ և իմ. տեսեալ զյօժարութիւն արտի նորա անկալ ի շինութիւն պարսպին՝ նորա առաջնութեամբ։ Եւ մինչ նա յայս բարոյ գործոյս վերակացութեան էր, մերձեցաւ կատարած կենաց նորա և ի հող էջ մանկահասակ և մեզ սուգ անմխիթար եղև փոխումն նորա»⁶¹։

ԴՈՓ

Դոփը հալ-վրացական միացյալ զորքերի գերագույն հրամանատար (ամիր-սպասալար) Սարգիս Զաքարյանի դուստրն է, Զաքարեի և Իվանեի քույրը։

Սարգիս Զաքարյանը Դոփին կնության է

⁶⁰ Կ. Ղաֆադարյան, Սանահնի վանքը, էջ 185—186։

⁶¹ Կ. Ղաֆադարյան, Հովհաննավանքը և նրա արձանագրությունները, Ե., 1948, էջ 113։

տվել Խաչենի Ծարա ճյուղի գահերեց Հասան Ա իշխանին: Ինչպես ճիշտ նկատել է պատմաբան Բագրատ Ուրությանը, Հասան Ա-ը վաղ է մահացել, և իշխանությունը հանձնվել է Դոփին⁶²: Դոփի անունով էլ կոչվում էին որդիները, նրա անունով էլ հետագայում պատմության մեջ մտավ այս իշխանական տունը⁶³:

1210-ական թվականներին մահացել է Հաթերքի մեծ իշխան Հասանը (Արգու խաթունի ամուսինը), և Իվանե Զաքարյանը նրա հայրենի Հաթերքը ևս միացնում է քրոջ իշխանությանը:

Դոփի շինարարական ամենաաչքի ընկնող ձեռնարկումը Խաղա վանքի գավթի կառուցումն է: Խաղա վանքը կառուցել է նրա տեգրը՝ Հովհաննեսը, և 1204 թվականին նվիրել է եղբորը՝ Հասան Ա-ին: Դոփը 1225 թվականին կառուցում է գավթի ընդերքը և նվերներ տալիս եկեղեցուն:

«... տուի Անետարան և գՅանկաբակուց երկիրն և լճկուռիմայ զիմ մատաղիս, իմ հոգւոյս...»⁶⁴:

Դոփն իր իշխանությունում լիիրավ տեր էր (անգամ այն ժամանակ, երբ որդին՝ Գրիգորը, արդեն Ծարի մեծ իշխանն էր): Նա էր ղեկավարում իշխանությունը, լուծում մշակութային-լուսավորական խնդիրները: Դոփի որդիներն են Հաղբատի եպիսկոպոս Գրիգորը, Սանահին, ապա Հաղբատի եպիսկոպոս և առաջնորդ Հովհաննեսը, Գրիգոր մեծ իշխանը և Գևորգը:

Դոփը թաղված է Հաղբատում, տեգրոջ կառուցած մեծ գավթում, որդու՝ Հովհաննես եպիսկոպոսի կողքին: Նրա տապանաքարի վրա փորագրված է. «Զաքարէի եւ Խանէի քոյրն է Դաւիթն»⁶⁵:

ՄԱՄԱԽԱԹՈՒՆ

Մամախաթունը Աքրահամ Լոռեցու որդի Խաչերեսի և Շուշանի դուստրն է:

1209 թվականին Խաչերեսը ութ խանութ, երեք տուն և մի այգի է նվիրել Բագնայրի վանքին: Մամախաթունը, հետևելով հոր օրինակին, ինքը ևս խանութ է նվիրել

վանքին և հոր արձանագրության տակ փորագրել է տվել. «Ես՝ Մամախաթունս ետու զիմ կուղպակն...»:

1219 թվականին Մամախաթունը տարածում մահացել է: Նա ամուսնացած չէր և ծառանգ չուներ, և որպեսզի անհիշատակ չմնար, նրա բաժին միջոցները տրվում են Անի մայրաքաղաքի արևելյան պարսպի աշտարակի կառուցմանը (դրանից մեկ տարի առաջ իր հիշատակին աշտարակ էր կառուցել նաև Մամախաթունի մայրը՝ Շուշանը): Աշտարակի պատին Մամախաթունի անունից փորագրված է.

«... ես՝ Մամախաթունս, դուստր Խաչերեսին Լոռեցու անժամ ի Քրիստոս գնացի... անհիշատակ էի, շինեցի զքուրջնս յիշատակ ինձ...»⁶⁶:

Մոր և դստեր այս մեծագործությունը առիթ է տվել Լեոյին «Անի» գրքում գրելու. «Հայը մեռնելիս կտակ էր անում իր հոգու փրկության համար և այդ կտակի մեջ միայն այս կամ այն սուրբը, այս կամ այն ուխտատեղին չէր հիշվում, այլ մայրաքաղաքի շրջապարիսպը, որ հարկավոր էր մարդկանց պաշտպանության համար»⁶⁷:

ԶԱԶԱ

Զազա իշխանուհին Գրիգոր Խաղբակյանի կինն է:

Գրիգոր Խաղբակյանը Իվանե Զաքարյանի բանակի ճանաչված զորականներից էր: 13-րդ դարի սկզբներին Գրիգոր Խաղբակյանը հողեր ստացավ թուրք-սելջուկներից մաքրված Վայոց ձորում: Նրան հանձնվեց Ուրծը:

Գրիգորը և Զազան շինարարական աշխատանքներ են կատարում ստացած հողերում: Նրանց միջոցներով ու ջանքերով կառուցվում է Աղջոց Սուրբ Ստեփանոս վանքը, որ դառնում է հոգևոր կենտրոն:

1222 թվականին Գանձակի մոտ, ղըփչաղների դեմ մղած անհաջող ճակատամարտում, Գրիգոր Խաղբակյանը գերի է ընկնում: Ղփչաղները Գրիգորին խոստանում են ազատել, եթե նա ուրանա քրիստոնեությունը: Գրիգորը մերժում է նրանց առաջարկը, ավելին՝ անարգում է Մահմեդին: Պատմիչ Կիրակոս Գանձակեցին գրում է, որ Գրիգորի պատախաճից մոլեգնած ղփչաղները «քարշեցին զնա մերկ ի վերայ երկրի, և փշով քանցեցին զամենայն մարմինս նորա, և այնքան տանջեցին

⁶² Բ. Ուրության, Խաչենի իշխանությունը, էջ 141 և հետո:

⁶³ Վիմական տարեգիր, կազմեց Կ. Կոստանեանցը, Ս. Պետերբուրգ, 1918, էջ 158. «...Ես՝ Գրիգոր, Դաւիթն որդիս: Ժ-ի դարի հիշատակարաններ, էջ 84. «...պարունաց պարուն զԳրիգոր որդի Դաւիթ...»:

⁶⁴ Ստորագրություն կաթողիկե, Բ, էջ 863: Զաւալանց, Ա, էջ 207:

⁶⁵ Կ. Ղաֆադարյան, Հաղբատ, էջ 185:

⁶⁶ Լեո, Անի. տպավորություններ, հիշատակներ, անցածն ու մնացածը, Ե., 1968, էջ 190—191:

⁶⁷ Նույնը, էջ 190:



Գրիգոր Խաղբակյանի կնոջ՝ Զազա իշխանուհու կանգնեցրած խաչքարը (1233 թ.)

զնա, մինչև ի գանելն աւանդեաց զհոգին»⁶⁶:

Ամուսնու հիշատակը հաւերթացնելու համար 1233 թվականին Ջազա իշխանուհին Արարատի շրջանի Իմերզեկ գյուղի մոտ, Արջաձորի բարձունքում, կանգնեցնում է գեղաքանդակ խաչքար, որն իր կատարողական արվեստով քանդակագործության կատարյալ նմուշ է:

Խաչքարի թիկունքի արձանագրությունը հետորեն վերծանել է վիմագետ Սուրեն Սաղումյանը: Ահա այն.

«Այս նշան կենաց կանգնեալ ի փրկութիւն հզար զարականի Քրիստոսի Գրիգոր իշխանի, որդի Խաղբակա, որ բազում արութիւն, քաջութիւն ցուցեալ ընդդէմ թըշնամեաց խաչի Քրիստոսի և յետոյ ըմբռնեալ ի Գանձակ շահաստան, արեամբ պսակեց զկեանս իւր բազում տուժիցն: Որք երկրպագէք հանդերձելոյն ի վերա խաչիս յիշեցէք զմեծ իշխան Գրիգոր եւ զՋազայն՝ ամուսինն նորա, որ զխաչս կանգնեաց եւ զՎասակ որդի նորին Գրիգորոս»⁶⁷:

Գրիգոր իշխանի հիշատակին կանգնեցված հրաշակերտ խաչքարը կերտել է քարգործ վարպետ Աբելը:

Ջազա իշխանուհու կանգնեցրած խաչքարն իր պատվանդանով տեղափոխվել է Էջմիածին ու տեղադրվել Մայրավանքի շրջափակում:

ՍՍԳԴՈՒԽՅՈՒՆ

Սագրուխտը Ինայի կինն է: Ամուսիններն ապրել են 13-րդ դարի առաջին կեսում:

1231 թվականին Սագրուխտ և Ինա ամուսինները Մարտունու շրջանի Արծվաքար գյուղից մոտ չորս կիլոմետր հեռու, Մանուչեի դաշտում, մի փոքրիկ եկեղեցի են կառուցում: Եկեղեցին կառուցված է սրբատաշ քարով:

Եկեղեցու շինարարական արձանագրությունը փորագրված է արևելյան պատին, արտաքուստ: Ահա այդ արձանագրության առաջին մասը.

«...Ի թվականութեանս հայոց ՈԶ (1231), ... ես՝ Ինայս, գնեցի զԱգարակս եւ շինեցի զեկեղեցիս. ես եւ Սագրուխտ ամուսին իմ, յիշատակ մեզ եւ ծնաւդաց մերոց»⁷⁰:

⁶⁶ Կ. Գանձակեցի, Պատմություն հայոց, աշխատասիրությամբ Կ. Մելիք-Օհանջանյանի, Ե., 1961, էջ 208:

⁶⁷ Ս. Սաղումյան, Նորահայտ վիմագրեր Խաղբակյան տոհմի մասին, «Լրաբեր» (ԳԱ), 1977, № 9, էջ 96:

⁷⁰ Դիվան հայ վիմագրության, պրակ 4, կազմեց Ս. Գ. Բարխուդարյանը, Ե., 1978, էջ 109:

Արձանագրության առաջին հրատարակիչ Մեարոպ արքեպս. Սմբատյանը սխալ է վերծանել ամուսինների անունները, որի հետևանքով Ինան վերածվել է Մինայի, Սագրուխտը՝ Մագսուտի, միաժամանակ փոխվել են ամուսինների դերերը:

Սագրուխտի և Ինայի կառուցած եկեղեցին այժմ էլ կանգուն է:

ՄԼՔԱՆ

Մլքանը Խաչենի իշխան Վախթանգի թոռն է, նրա Գրիգոր վաղամեղիկ որդու դուստրը: Մլքանի ամուսինն է Կուտկանի թոռ Վասակը, որը հովանավորում էր Մակարավանքը:

13-րդ դարի չորրորդ տասնամյակում, 1240 կամ 1241 թվականին, Մլքանը 30 դահեկան գումար և գումեղներ է նվիրել Հաղբատի զանգակատան շինության համար⁷¹: Ավելի ուշ Մլքանը նվերներ է տվել Մակարավանքի Սուրբ Աստվածածին եկեղեցուն և իր ննջեցյալների հոգու համար ստացել է պատարագ կատարել տալու իրավունք: Ահա նրա Մակարավանքի արձանագրությունը.

«...Ես՝ Մլքան, դուստր Գրիգորոս, որդու Վախթանգա... միաբանեցա սուրբ Աստուածածնիս յառաջնորդութեան հար Դաւթի եւ այլ միաբանացս, եւ սոքա էտուն ինձ ի տարին Գ ծամ, ի տանի սրբոյ Հովսիսմեացն»⁷²:

ԹԱՄԹԱ

Թամթան Միփորեացի տեր Տաշուրակի կինն է: Ամուսիններն ապրել են 13-րդ դարի երկրորդ կեսում:

Թամթան և Տաշուրակը զավակ չեն ունեցել: Եվ, որպեսզի անհիշատակ չմնան, 1297 թվականին Վարդենիսի շրջանի Ակունք գյուղի մոտ գտնվող գյուղատեղում, որ. տեղացիները Հին Դրոխքուպաղ կամ «Գոմեր» են կոչում, կանգնեցնում են մեծ, գեղեցկաքանդակ խաչքար: Խաչքարի արձանագրությունում ասվում է.

«Ի թվին 2ԽԶ (1297)... ես՝ Տաշուրակս, որդի Բագումշաի, տեր Միփորեաց, կանգնեցի զխաչս ինձ եւ ամուսնին իմոյ Թամթոյ ի փրկութեան հոգոյ մերոյ, զի էաք անգաւակ: Որք երկրպագանէք յաղաթս յիշեցեք»⁷³:

⁷¹ Կ. Ղաֆադարյան, Հաղբատ, էջ 227:

⁷² Դիվան հայ վիմագրության, պրակ 6, կազմեցին Ս. Ա. Ավագյան, Հ. Մ. Զանփուլադյան, Ե., 1977, էջ 167—168:

⁷³ Դիվան հայ վիմագրության, պրակ 4, էջ 355:

ՎԱԽԱԽ

Վախախը Ռուզուքանի և Խար Ասլանի դուստրն է: Ամուսինն է Եղվարդի տեր պարոն Ազիզբեկը:

Շահնշահ Զաքարյանից ստանալով Եղվարդը, Ազիզբեկն ու Վախախը շինարարական-լուսավորական մեծ աշխատանք կատարեցին այդտեղ: Ներսես քահանան, որին իրենց հարկի տակ սնուցել ու մեծացրել են Վախախն ու Ազիզբեկը, գրում է. «Եւ զանհասանելի երկրաշափ զհետադուրթիս տեղոյ, որ ի քաղաքէն Բըջնոյ մինչև Կարթի ոչ գտանէին ջուր յարթուն մարդկան, և պապակէին անցորդք ճանապարհաց ի տապոյ յաւորս ամարայնոյ»⁷⁴: Վախախն ու Ազիզբեկը ձեռնամուխ եղան ջրանցքի կառուցմանը: 1289 թվականին ջուրը մտնում է Եղվարդ: Ներսես քահանան ցնծությամբ գրում է. «Եւ ի գալ և ի մըտանել ջրոյն յանտատանս մեր, վերջստին մորոգեցան ամենայն արմատք, և նորափետուր զարդարեցան և զըսարճեցան ամենայն կենդանիք՝ մարդ և անասուն, թռչունք երկնից և զազանք զովանահն, զուարճանային և ուրախ լինէին...»:

1301 թվականին ամուսինները գյուղի հարավ-արևելյան կողմում կառուցում են մի շքեղ եկեղեցի: Եկեղեցին եռահարկ է, առաջին և երկրորդ հարկերի պատերը ծածկված են որմնանկարներով: Երրորդ հարկը պլուսակազարդ զանգակատուն է: Արտաքինից բոլոր ճակատները քանդակազարդ են:

Եկեղեցու կառուցումից տասնյոթ տարի անց Վախախ իշխանուհին Ներսես քահանային պատվիրում է Ավետարան ընդօրինակել: Ներսես քահանան մեծ ջանասիրությամբ կատարում է «ծնողագույթ» տիկնոջ պատվերը: Վախախ իր հիշատակարանում գրում է. «...և յամենայն մտաց, և յամենայն զարույթեմէ իմէ, և ետու գըրել զավետարանս ... յիշատակ ինձ, և առն իմում և քարի լծակցին իմո պարոն Ազիզպեկին, և ծնողաց իմոց, և զաւակաց»: Վախախ իշխանուհին իր պատվիրած Ավետարանն ընծայել է իրենց կառուցած եկեղեցուն: Վախախ իշխանուհու Ավետարանն այժմ գտնվում է Երևանի Մատենադարանում:

ԱՎԹԱԽԱԹՈՒՆ

Ավթախաթունը Վայոց ձորի իշխաններից Խալաշահի որդի Վաղթանկի կինն է: 1313

⁷⁴ ԺԻ դարի հայերեն ձեռագրերի հիշատակարաններ, էջ 141 և հետո:

թվականին Ավթախաթունը 100 դեկան գումար է նվիրել Թանահատի վանքին և Սուրբ Ստեփանոս եկեղեցու արևմտյան մուտքի կամարին արձանագրել է.

«...ես՝ Ավթախաթունս, ամուսին Վաղթանկա, որդոյ Խալաշահի, տվի ճ(100) դեկան սուրբ Ստեփանոսիս... Թվին 24Բ (1313)»⁷⁵:

ԶԱԽԻԱՅ ԽԱԹՈՒՆ

Զախիայ Խաթունը 1317 թվականին երիտասարդ հասակում մահացել է: Արճեշ գավառի Արջո վանքի կրոնավոր Հայրապետ գրիչը ի հիշատակ Զախիայ Խաթունի արտագրել է մի գեղեցիկ Ավետարան:

Ավետարանի հիշատակարանը Զախիայի անունից գրել է Հայրապետ գրիչը: Ահա այն որոշ կրճատումներով.

«Եւ՝ Զախիայ Խաթունս... թողի զտուն իմ, թողի զծառանգութիւն իմ, թողի զհայրենիս իմ, լքի զկեանս իմ, մերճեցայ ի դուռն զերեզմանիս, ատարացայ ի սիրելեաց իմոց՝ ի քարեկամաց և յազգականաց իմոց: Կործանեցաւ հասակս կանգուն, անգաւ քարձրաքարձ աշտարակս, խանգարեցաւ գեղեցկութիւնս, խաւարեցաւ յուստեւիլ աչք իմ և լուսոյ, խցեցաւ դրոնք լսելեաց, լռեաց լեզուս արագ, հատաւ քարբաւ ի բերանոյս...»⁷⁶:

Զախիայ Խաթունի հիշատակին գրված Ավետարանը գտնվում է Երևանի Մատենադարանում:

ԽՈՐԻՇԱԸ

Միջին դարերում Վայոց ձորով էր անցնում Նախիջևանից հարդա քաղաք տանող առևտրական ուղին, որի դժվարին կետերից մեկը Սելիմի լեռնանցքն էր: Եվ այստեղ, լեռնանցքի ամենաբարձր մասի՝ դեպի Վայոց ձոր մայրո հարթության վրա, իշխանաց իշխան Լիպարիտ Օրբելյանի որդի Չեսար իշխանը և իր կինը՝ Վարդան իշխանի և Դոփի դուստր Խորիշահը, 1332 թվականին կառուցել են Սելիմի նշանավոր իջևանատունը: Իջևանատան շինարարական արձանագրությամբ Չեսար իշխանը հայտնում է.

«Ի թվին 22Ա (1332) ... ես՝ Չեսար ... եւ կենակից իմ Խորիշահ ... ի հալալ արդեանց մերոց շինեցաք զհոգեւորանս ... աղաչեմք զպատահողս յիշել զմեզ ի Քրիստոս»⁷⁷:

⁷⁵ Դիվան հայ վիմագրության, պրակ 3, էջ 77:

⁷⁶ ԺԻ դարի հիշատակարաններ, էջ 130:

⁷⁷ Դիվան հայ վիմագրության, պրակ 3, էջ 178:

Խորհրդակի և Չեսարի կառուցած իջևանատանը ճանապարհորդներին ոչ միայն օթևան էր տրվում, այլև՝ ձրի սնունդ: Իջևանատանը հոգու միջոցառության մի ձեռնարկ էր, և արձանագրության մեջ այդպես էլ կոչվել է՝ «գնոգեստուն»:

Սելիմի իջևանատանը կամարակապ շենք է, բաղկացած է երեք դահլիճներից, ներսում հարմարություններ են եղել ուղևորների և նրանց գրաստների համար: Բոլոր շենքերը կառուցված են սրբատաշ քարով, երկթեք կտորները ծածկված են մեծ սալերով: Իրար մեջ բացվող դահլիճները վերջին տարիներին լրիվ նորոգվել են:

Խորհրդակ իշխանուհու հիշատակին 1340-ական թվականների վերջին Սելիմի ձորում գտնվող Չեսար իշխանի հայրենի Հորս գյուղում խաչքար է կանգնեցվել⁷⁸:

ԳՈՆՑԱ

Գոնցան Օրբեյանների տոհմից Խոստրովկա իշխանի դուստրն է, Ծափունեցու որդի Վահրամի կինը: Ծափունեցի իշխանները Օրբեյանների վասալներն էին, նրանց «ասպարապետները», իշխում էին Հերեր գյուղի և համանուն գետահովտի վրա:

Գոնցան 1345 թվականին նվերներ է տվել Ամաղուի Նորավանքին: Մեկ տարի անց, 1346 թվականին, Գոնցան մեծ նվիրատվական արձանագրություն է փորագրել տվել Թանահատի Սուրբ Աստվածածին վանքի հարավային պատին: Գոնցան Թանահատի վանքին է նվիրել իր գնած հողերը, բամբակ: Ահա Գոնցայի՝ Թանահատի վանքի նվիրատվական արձանագրությունը կրճատումներով.

«...ես՝ Գոնցե, ամուսին Վահրամայ... ետու ի հալալ արդեանց եւ հերեմեաց իմոց ի սուրբ ուխտս վասն հոգիորդեաց իմոց Ուքանա, Ամատին, որ տղա արաք ի Քրիստոս կատարեցան. դիտի սուրբ Գե(ո)րգն իւր հերեմաքն, իւր խաչին մտաքն ի Համամատէսն՝ գԳագարափոսին Էգին՝ ԲՈ (2000) դեկան գնուածք ու Ծ (100) դեկան գնուած բամբակ, հող եւ Համամատէսն ու գՈրծաքարին հողն ի յԱղջըրտապ...»⁷⁹:

ՀՈՒՓՈՒՄԵ

Հոփսիմեն Սադոնի և Թան Խաթունի դուստրն է, ապրել է 15-րդ դարի առաջին կեսում:

⁷⁸ Նույն տեղում, էջ 167:

⁷⁹ Դիվան հայ վիմագրության, պրակ 3, էջ 56:

1427 թվականին Հոփսիմեն Հիզանի Գամաղիել վանքի գրիչ Հոհանեսին Ավետարան է պատվիրում:

Ավետարանի գրիչ Հոհանեսը հայտնում է, որ չնայած իրեն տկար էր գգում, բայց գրում-ավարտում է Հոփսիմենի պատվիրած Ավետարանը⁸⁰:

ԳՈՒՎՓԱՇԱ

Գուլիաշան Մխիթարի դուստրն է, ամուսինն է Առաքելը:

1441 թվականին Գուլիաշան Քաջբերունյաց երկրի Գևորգ գորավարի վանքի գրիչ Թովմա Մեծփացուն Ավետարան է պատվիրում:

Ձեռագրի հիշատակարանից իմացվում է, որ Գուլիաշան մեծ չարչարանքով գնացել է սուրբ քաղաք՝ Երուսաղեմ, և վերադառնալուց հետո է պատվիրել Ավետարանը: Ավետարանը նվիրված է իր՝ Գուլիաշայի, նրա ծնողների, ամուսնու, զավակների և առանձնապես վաղամեռիկ որդու՝ Մխիթարի հիշատակին, որի հանկարծահա մահը անմխիթար սուգ է դարձել ծնողների համար:

Ավետարանի 10ր էջում ծնկաչոք դիրքով նկարված է Ավետարանի ստացող Գուլիաշան: Նա ձեռքերը երկարել և վերցնում է Ավետարանը: Նկարի կողքին գրված է. «Յիշեցէք ի Քրիստոս զմահոսի պառաւ»՝ ստացող սուրբ Ավետարանիս⁸¹:

Ձեռագրի գրիչը՝ Թովմա Մեծփացին, հայտնում է, որ ձեռագիրը գրել է «ի ծերութեան ժամանակիս», երբ «խիստ տկար էի մարմնովս և հոգովս»:

Գուլիաշան Ավետարանն նվիրել է մույն վանքի րաբունի Ներսես վարդապետին ու նրա եղբորը՝ Ռատակեսին:

Ավետարանն այժմ գտնվում է Երևանի Մատենադարանում:

ԾԱՀԲԵԿ

Գորիսի շրջանի Տեղ գյուղի եկեղեցու հարավային պատին խաչ է փորագրված Ծահբեկ խանումի հիշատակին: Խաչի շուրջը փորագրված արձանագրությունում կարդում ենք.

«ԹՎին ՌԾԷ (1608). խաչս բարեխաւս է Ծահբեկ խանումին»⁸²:

⁸⁰ Ժե դարի հայերեն ձեռագրերի հիշատակարաններ, Ա. մաս (1401—1450), կազմեց Լ. Ս. Խաչիկյանը, Ե., 1955, էջ 367:

⁸¹ Ժե դարի հայերեն ձեռագրերի հիշատակարաններ, մաս Ա, էջ 521:

⁸² Դիվան հայ վիմագրության, պրակ 2, էջ 68: